

լափոխուում է եւ ոսկէ թեւեր տալիս իր ապրելու բնական պահանջին: Կեանքը չի կարելի ընդօրինակել, չի կարելի դրսից առած օրէնքներին ենթարկել, այլ միայն բարեխօսել: Բարեփոխութիւնները առաջ են դալիս ապրելու մեծ ցանկութիւնից եւ ոչ զղջումից կամ այն ճիղից, որ մենք անում ենք որոշ, նախապէս հաստատուած սկզբունքներին յարմարուելու համար:

Եթէ Սարգսրապատը պառկած է տխուր ու տրտում, բայց լի ահազին կարելիութիւններով, դէմը, արեւի նման, վեհօրէն ցցուել է հոյակապ Արարատը, ոչ մի նիւթական կարելիութիւններով լի:

Ու այս բայ աւետարանի մէջ պէտք է սովորել կարգալ:

Բնութեան ամէն մի երեւոյթը խորհրդանշան է: Այս վայրերը մեր երակների մէջ արլին են ու մեր հոգու հետ մարմին:

Այստեղ, մենք վերադառնում ենք դէպի մեղ:

Հայ կեանքի համար, այսօր, ինչպէս երէկ, Սարգսրապատը փորձութեան դժուարին դաշտն է, Արարատը՝ լուսաւորող գաղափարը:

Երբ հայ ժողովուրդը խոր այդ դիտակցութեան հասնի, նա կը գտնի իր ճանապարհը: Նա այլեւս մուրացկանի աչքերով ուրիշների նայուածքները չի փնտռի եւ Ֆօրդը կը վերադառնայ իր տունը, որովհետեւ... ո՞ւր տեսնուած է, որ ազոանները արծիւներին թռչիլ սորվեցնեն:

ՄՂՁԱՒԱՆՁ

Փոքրիկ սենեակը, ուր տեղաւորուել ենք, նեղ է, մութ եւ կեղտոտ: Ոչ մի կահկարասի, ոչ իսկ մի աթոռ: Մնտուկները շարել ենք եւ վրան պառկում: Նոյն սենեակի մէջ կերակուր ենք պատրաստում, աշխատում, եւ հինգ հոգի պառկում:

Սենեակի առջեւ, բակի կողմից, նեղ պատըզամ կայ, բայց չենք կարողանում օգտուել, նախ, որովհետեւ ցուրտ է եւ երկրորդ՝ բակից այնպիսի դարչահոտութիւն է դալիս, որ անկարելի է շնչել:

Տունը բաւականին մեծ է: Բակի պատըզամը փայտէ պատերով բաժանուած է, եւ ամէն բաժանումի մէջ մի քանի ընտանիքներ են ապ-

րում: Մեր սենեակի դիմաց ապրում են մի երիտասարդ կին եւ իր ամուսինը: Կլինը պաշտօնեայ է, չգիտեմ, ո՞ր պետական հիմնարկութեան մէջ: Առաւօտից դործի է դնում, վերադառնում է ճաշին եւ նորից մեկնում: Ամուսինը անդործ է: Ապուրը դնում է կրակի վրայ, միւր եւ սոխը մաքրում, պառկում է անկողնի վրայ ու անդադար ծխում: Բարակ կանացի ձայն ունի, միշտ մտահոգ ժպտում է, երբեք չի դարմանում, ինչ էլ պատահի: Ծխում է, ծխում է...

Քովի սենեակում ապրում է մի ընտանիք: Հասակը առած մի կին եւ երկու աղջիկներ: Ամուսինը քրտրուած է կամ փախել է Ռումանիա, լաւ չհասկացայ: Աղջիկները դպրոց են դնում, իսկ մայրը օրերով անհետանում է, ո՞ւր է դնում, յայտնի չէ: Երբեմն դպրոցական տղաքներ են դալիս, ուրիշ աղջիկներ եւ: Ահագին աղմուկ են հանում: Ասում են, դաս ենք սովորում:

Այս հարեւանների սենեակից իր սենեակն է անցնում ուրիշ մի հարեւանուհի: Բարձրահասակ, երեսուն տարեկանի մօտ մի կին: Տղամարդու ձեւեր ունի, հաստ ձայն եւ փութկոտ շարժումներ: Ասում են՝ հիւանդապահուհի է: Գիշերը վերադառնում է ժամը իննի մօտերը եւ էլ դուրս չի դալիս: Յաճախ, ստուերի նրման, աննշմարելի մէկը դալիս նրա դուռը ծեծում է եւ ներս մտնում:

Վարը, առաջին յարկում, ապրում է բազմաթիւ մի ընտանիք: Ամէն բան դուրսն են տնում: Կերակուր եփում, փայտ կտրում, շոր լուանում: Զգիտեմ՝ ո՞ր տեղից եկած գաղթականներ են: Ընտանիքը վարում է պառաւ մի կին, չարչարուած, խիստ դէմքով եւ խուպոս ձայնով ահուելի այն պառաւներից մէկը, որ միայն Արեւելքում կարելի է հանդիպել: Բոլոր տնեցիների հետ կուռել է: Ամէն մարդ վախում է նրանից: Վարը, խոնաւ, գրեթէ գետնափոր խուցերում, այդ մարդիկը ապրում են ազտի եւ աղբի մէջ, վերի յարկի կոտրտած պատըզամը եւ լայն պատուհանները տեսնում եւ նախանձում: Գտնում են, որ իրենք գրկուուածներ են, որ «աշխատաւոր» իշխանութիւնը անարդարութիւն է դործում, որ վերը ապրող հարուստները՝ հարուստները մենք ենք՝ իրենց արդար իրաւունքից զրկում են: